



Анджон вилоят статистика бошқармаси «Ахборот хизмати»

НИЗОМИ

I. Умумий қоидалар

1. Мазкур Низом Ўзбекистон Республикаси Анджон вилояти статистика бошқармаси Ахборот хизматининг (кейинги ўринларда хизмат деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек, унинг фаолиятини ташкил этиш тартибини белгилайди.

2. Ахборот хизмати Ўзбекистон Республикаси Анджон вилояти статистика бошқармаси (кейинги ўринларда Анджон вилояти статистика бошқармаси деб аталади) бошқарманинг мустақил таркибий бўлинмаси ҳисобланади ҳамда бевосита унинг раҳбарига бўйсунди.

3. Хизмат ўз фаолиятида Ўзбекистон Республикаси Конституциясига, “Давлат ҳокимияти ва бошқаруви органлари фаолиятининг очиқлиги тўғрисида”ги Ўзбекистон Республикаси Қонунига, Ўзбекистон Республикасининг “Давлат статистикаси тўғрисида”ги қонуни ва Ўзбекистон Республикасининг бошқа қонунларига, Ўзбекистон Республикаси Олий Мажлисининг палаталари қарорларига, Ўзбекистон Республикаси Президентининг фармонлари, қарорлари жумладан, “Оммавий ахборот воситалари мустақиллигини таъминлаш ҳамда давлат органлари ва ташкилотлари ахборот хизматлари фаолиятини ривожлантириш бўйича қўшимча чора-тадбирлар тўғрисида”ги қарорига, Ўзбекистон Республикаси Вазирлар Маҳкамасининг қарорлари ва фармойишларига, “Ўзбекистон Республикаси Анджон вилояти статистика бошқармаси тўғрисида”ги мазкур Низомга, шунингдек, бошқа қонун ҳужжатларига амал қилади.

4. Хизмат ўз фаолиятини Анджон вилояти статистика бошқармаси таркибий бўлинмалари, Анджон вилоятининг туманлар ва шаҳарлар статистика бўлимлари (кейинги ўринларда ҳудудий статистика органлари деб аталади) шунингдек, Ўзбекистон Республикаси Президентининг Администрацияси ҳузуридаги Анджон

вилояти ахборот ва оммавий коммуникациялар агентлиги (кейинги ўринларда - Агентлик) билан ўзаро яқин ҳамкорликда амалга оширади.

II. Хизматнинг асосий вазифалари ва функциялари

5. Қуйидагилар хизматнинг асосий вазифалари ҳисобланади:

Андижон вилояти статистика бошқармаси раҳбарияти томонидан замонавий талабларга мувофиқ белгиланадиган ахборот сиёсатини шакллантириш ва амалга оширишда иштирок этиш;

ахборот соҳасидаги ягона давлат сиёсатини амалга ошириш борасида Хизмат зиммасига юклатилган вазифаларни Андижон вилояти ҳокимлигининг Матбуот хизмати, Ўзбекистон Республикаси Администрацияси ҳузуридаги Андижон вилояти ахборот ва оммавий коммуникациялар агентлиги, давлат ва хўжалик бошқаруви органларининг ахборот хизматлари билан самарали ва амалий ҳамкорликда таъминлаш;

Андижон вилояти статистика бошқармаси фаолияти ҳақида оммавий ахборот воситалари, ижтимоий тармоқлар, давлат органлари ва ташкилотларининг расмий веб-сайтларида, шунингдек, бошқа ахборот ресурслари орқали, шу жумладан, матбуот анжуманлари, брифинглар, медиатурлар ташкил этиш йули билан аҳолига мунтазам, тўлиқ ва тезкор равишда ахборот тақдим этиб бориш;

Андижон вилояти статистика бошқармаси мамлакатимизнинг ҳамда вилоятимизнинг ижтимоий-сиёсий ва социал-иқтисодий тараққиёти жараёни ҳақида ахборот бериш ва ёритиш бўйича чора-тадбирлар ишлаб чиқиш ва амалга ошириш;